



Broj: 09-20-11-2-1707/23
Datum: 03.10.2023. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14) čl. 27. i 70. Zakona o javnim nabavkama („Službeni glasnik BiH“, broj 39/14 i 59/22), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2023. godinu, direktor Federalne uprave policije, d o n o s i:

ODLUKU

o izboru najpovoljnijeg ponuđača u predmetu „Nabavka vojnog materijala“ za LOT 2

I

Na osnovu obavještenja o nabavci broj 1412-3-1-176-3-86/23 od 14.7.2023. godine, objavljenog u „Službenom glasniku BiH“ broj 52/23 od 28.7.2023. godine, proveden je pregovarački postupak sa objavom obavještenja o nabavci, u predmetu nabavke „Nabavka vojnog materijala“.

II

Za predmetnu nabavku za LOT 2, zaprimljene su 3 (tri) konačne ponude i to od ponuđača: KM TRADE d.o.o. Visoko, DANIAL S d.o.o. Tešanj i PATRIO d.o.o. Ilidža.

III

Komisija je utvrdila da ponuda ponuđača PATRIO d.o.o. Ilidža sa cijenom 70.000,00 KM bez PDV-a, odnosno 81.900,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku nakon provedene e-aukcije od 02.10.2023. godine.

IV

Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 09-20-11-2-1707/23 od 10.7.2023. godine

V

Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.

VI

Cijeneći prijedlog Komisije, direktor Federalne uprave policije donosi Odluku kao u dispozitivu i ista stupa na snagu danom donošenja.

VII

Za izvršenje Odluke zadužuje se Sektor za materijalno-finansijske poslove.

O b r a z l o ž e n j e

Komisija za provođenje postupka nabavke u skladu sa članom 8. Zakona o javnom nabavkama za 2023. godinu, imenovana Rješenjem zamjenika direktora Federalne uprave policije, broj 09-19/1-30-2-25 od 04.01.2023. godine, postupila je shodno obavještenju o nabavci koji je objavljen u „Službenom glasniku BiH“ broj 52/23 od 28.7.2023. godine, na osnovu čega je proveden pregovarački postupak nabavke „Nabavka vojnog materijala“, podijeljena na lotove i to: LOT 1, LOT 2, LOT 3, LOT 4, LOT 5, LOT 6 i LOT 7. Procijenjena vrijednost iz Tenderske dokumentacije je za LOT 1 - 43.700,00 KM bez PDV-a, za LOT 2 - 75.705,64 KM bez PDV-a, za LOT 3 - 22.300,00 KM bez PDV-a, za LOT 4 - 6.000,00 KM bez PDV-a, za LOT 5 - 1.600,00 KM bez PDV-a, za LOT 6 - 360,00 KM bez PDV-a i za LOT 7 - 360,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača PATRIO d.o.o. Ilidža, UNIS GROUP d.o.o. Ilidža, DANIAL S d.o.o. Tešanj, KM TRADE d.o.o. Visoko, SHOT d.o.o. Zenica, ul. Zmajevačka cesta 55c, Zenica i MM TRADE d.o.o. Široki Brijeg.

Odlukom o rezultatima pretkvalifikacije broj 09-20-11-2-1707/23 od 10.8.2023. godine, zahtjev za učešće ponuđača MM TRADE d.o.o. Široki Brijeg nije kvalifikovan, te je Komisija dana 25.8.2023. godine uputila pozive kvalifikovanim ponuđačima za dostavljanja početnih ponuda.

U skladu sa navedenim rokom ponuđači su dostavili početne ponude i to: KM TRADE d.o.o. Visoko je dostavio početnu ponudu za LOT 1, 2, 3, 4 i 5, PATRIO d.o.o. Ilidža je dostavio početnu ponudu za LOT 1, 2, 3, 4 i 5 i DANIAL S d.o.o. Tešanj je dostavio početnu ponudu LOT 1, 2, 3, 4, 5, 6 i 7.

Komisija je uvidom u gore navedene ponude konstatovala da su ponude ponuđača KM TRADE d.o.o. Visoko, PATRIO d.o.o. Ilidža i DANIAL S d.o.o. Tešanj ocijenjene prihvatljivim što je konstatovano u Zapisniku broj 09-20-11-2-1707/23 od 06.9.2023. godine.

Dana 07.9.2023. godine obavljani su pregovori sa ponuđačima, gdje su isti obaviješteni za koje LOT-ove njihove početne ponude su prihvatljive i ispunjavaju uslove i za koje će dobiti pozive za konačnu ponudu. Nakon čega su dana 08.9.2023. godine upućeni pozivi za dostavljanje konačnih ponuda i to: ponuđaču KM TRADE d.o.o. Visoko za LOT 1, 2, 3, 4 i 5, PATRIO d.o.o. Ilidža za LOT 1, 2, 3, 4 i 5 i DANIAL S d.o.o. Tešanj za LOT 1, 2, 3, 4, 5, 6 i 7.

Komisija je na sastanku održanom dana 14.9.2023. godine izvršila pregled zaprimljenih konačnih ponuda, u smislu da li ispunjavaju uslove navedene u pozivu ugovornog organa za dostavljanje konačne ponude za LOT 2, te je utvrdila da ponude ponuđača: KM TRADE d.o.o. Visoko, DANIAL S d.o.o. Tešanj i PATRIO d.o.o. Ilidža ispunjavaju tražene uslove.

Obzirom da je kriterij za dodjelu ugovora najniža cijena, Komisija je Sektoru za materijalno-finansijske poslove uputila akt broj 09-20-11-2-1707/23 od 14.9.2023. godine, kojim je traženo provođenje e-aukcije u navedenom postupku.

Komisije je dana 25.9.2023. godine zaprimila akt Sektora za materijalno-finansijske poslove broj 20-20/1-11-2-1707/23 od 21.9.2023. godine, u prilogu kojeg je dostavljen izvještaj o toku i završetku e-aukcije 1412-3-1-176/23 od 18. i 21.9.2023. godine.

Nakon zaprimljenog akta Komisija je konstatovala činjenično stanje i daje preporuku rukovodiocu ugovornog organa da donese odluku o izboru najpovoljnijeg ponuđača za LOT 2, ponuđaču PATRIO d.o.o. Iliđža sa cijenom 70.000,00 KM bez PDV-a, odnosno 81.900,00 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa, a što je konstatovano u Zapisniku nakon provedene e-aukcije broj 09-20-11-2-1707/23 od 02.10.2023. godine.

POUKA O PRAVNOM LIJEKU:

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog/prvostepenog organa.

Prilog:

- Zapisnik o otvaranju konačnih ponuda 09-20-11-2-1707/23 od 14.9.2023. godine
- Zapisnik nakon provedene e-aukcije broj 09-20-11-2-1707/23 od 02.10.2023. godine

Dostaviti:

- Sektoru za mat-fin poslove
- ponuđačima
- u spis

